


M Chinese

Vol VIII

78

8







醫學正傳卷之八目錄

小兒科

論

又變蒸論

小兒脈法總論

三關脈法形狀

湯氏察形色總斷

面上諸候形證歌七首

內八段錦四首

外八段錦十首

急慢驚風門一

論

脈法

丹溪方法凡二條

東垣治驚風論

東垣黃芪湯

東垣益黃散

錢氏安神丸

錢氏白朮散

又治驚風方

又急慢驚風方

又急慢驚風方

又治慢驚風方

鎮驚丸

奪命丹

利驚丸

瀉青丸

抱龍丸

千金龍膽湯

宣風散

五福化毒丹

金箔丸

釣藤飲

溫白丸

涼驚丸

發搐門二



男發搐

女發搐

早晨發搐

日午發搐

日晚發搐

夜間發搐

傷風發搐

傷食發搐

百日內發搐

補腎地黄丸

瀉青丸

導赤散

涼驚丸

益黃散

大青膏

牛黃膏

甘露飲

白餅子

塗顯法

浴體法

五疳門三

論五疳形證

五色丸

諸疳門四

論

地黄丸

安神丸

益黃散

又名補脾散

木香丸

胡黃連丸

蘭香散

白粉散

如聖丸

香蟾丸

蘆薈丸

治疳積腹大方

又治小兒疳方

祖傳經驗秘方



吐瀉門五

論

錢氏方法

兒生三日至十日吐瀉

六月十五日已後吐瀉

吐瀉泄黃傷熱乳病

吐瀉調脾平胃散

附證

腹脹論

又治腹脹方

白餅子

心腹痛方法

治虫痛方

又治小兒腹痛

治小兒驚啼方

脉法

木瓜丸

五月二十五日已後吐瀉

七月七日已後吐瀉

温中丸

治吐瀉黃疸方

腹脹搨氣丸

腹痛傷食法

白朮散

安虫散

治蛭虫痛方

小兒夜啼方

小兒風痰壅盛

小兒風痰壅盛

方法

兒生三日內吐瀉

玉露散

八月十五日已後吐瀉

虛弱脾胃不和

夏月吐瀉用益元散極效說

小兒腹虛脹方

又腹痛方法

消積丸

集効丸

小兒吃粽腹痛方

治夜啼花火膏

小兒夜啼花火膏

小兒夜啼花火膏

小兒夜啼花火膏



又治前證方

小兒解廬方法

小兒吃泥方法

小兒脫囊方

小兒脫肛方

又治脫肛方

又治前證方

小兒赤瘤方法

白玉散

臍中汁出方

小兒癩頭方

又治癩頭方

丹溪醫按一條

小兒尾間骨痛

小兒弄舌

瀉黃散

小兒龜胸

瀉白散

龜背

重舌木舌

又治前證方

又治木舌方

小兒口瘡方

鵝口瘡方

又治鵝口瘡方

又治小兒口瘡方

又口瘡方

小兒頰上生瘡

小兒走馬牙疳

又治牙疳方

小兒臍風撮口方

痘疹門六

論

丹溪方法總論

丹溪方法凡三十二條

痘瘡初發五藏形證一

痘瘡五藏形色二



斑痘所發之源三

辨內外因四

王氏惺惺散

升麻葛根湯

木香參蘇飲

四君子湯

和中散

紫霜丸

辨形氣病五

補肺散

解毒防風湯

當歸丸

十奇散

辨三陰三陽經候六

荆芥甘草防風湯

連翹防風湯

升麻葛根湯

升麻湯

理中湯

木香散

異功散

辨三陽證治七

連翹升麻湯

犀角地黄湯

解毒丸

宣風散

百祥丸

龐氏地黃膏

黃柏膏

玉露散

甘露飲子



猪心龍腦膏

辨三陰證治法八

調中丸

辨形氣不足九

芎歸湯

辨表裏虛實十

消毒飲

葛根升麻加芍藥湯

活血散

勻氣散

二物湯

百花膏

平治諸方十一

三荳湯

油飲子

鳳龍膏

錢氏惺惺散

解毒防風湯

四物解肌湯

瘡出不快十二

活血散加防風湯

龐氏紅花湯

紫草湯

四聖散

樺皮飲子

五積散

正氣散

調解散

辰砂五苓散



小柴胡湯

人參白虎湯

人參竹葉湯

肉苳蔻丸

絲瓜湯

阮氏萬全散

湯氏安斑湯

透肌散

如聖湯

辨外證逆順 十三

辨外證輕重 十四

辨初末形證 十五

辨不藥而愈 十六

辨五不治證 十七

辨疹有陰陽二証 十八

傷寒時氣發斑附 十九

玄參升麻湯

荆防敗毒散

化斑湯

龐氏石膏湯

陽毒升麻湯

辨瘡後餘毒 二十

消毒飲

十六味流氣飲

必勝膏

蜆子水

五福化毒丹

如聖湯



雄黃解毒丸

黃連阿膠丸

駐車丸

決明散

密蒙花散

撥雲散

蛤粉散

祖傳經驗秘方

又痘後不大便方

古人拯治痘瘡要法方論二十一

陷伏倒靨黑陷證

不換金正氣散

辟穢丹

再甦散

猪尾膏

白龍散

敗草散

馮氏天花散

單胎散

猶聖散

安胎散

醫學正傳卷之八目錄終



醫學正傳卷之八

花溪恆德老人虞搏天民編集

小兒科

論

嘗聞小方脈科古人謂之啞科最費調治誠是言也蓋以嬰之流難問證難察脈耳抑且臟腑脆嫩而孟浪之劑與夫峻寒峻熱之藥俱不可輕用試詳論之夫孺子之在襁褓中也內無七情六慾之交戰外無大風大寒之相侵奚其幼科之疾若是之繁且甚與抑考其證大半胎毒而少半傷食也其外感風寒之證十一而已曰變蒸曰痘疹曰斑爛曰驚悸曰風癩曰發搐曰痰壅曰赤瘤曰白禿曰解顛曰重舌木舌已上諸證豈非孕母不謹胎毒之所致與夫小兒之在胎也母飢亦飢母飽亦飽辛辣適口胎氣隨熱情慾動中胎息輒躁或多食煎煇或恣味辛酸或嗜慾無節或喜怒不常皆能令子受惠其為母者胎前既不能謹節產後又不能調護是以惟務姑息不能防微杜漸或未滿百晷而遂與醜酸之味或未穀週歲而輒與肥甘之物百病由是而生焉曰吐瀉曰黃疸曰五疳曰腹脹曰腹痛曰水腫曰瘧曰痢曰痰喘豈非吃食過傷調養失宜之所致與先正所謂古者婦人妊子寢不側座不邊立不蹕不食邪味等語厥有旨哉其餘飲食男女養胎幼幼之



法必深得造化生生不息之意故古人多壽考兒少夭折者即此之由也嘗見今有稟性  
溫良之婦有娠不嗜慾縱口生子少病而痘疹亦稀亦可以為師法矣為兒醫者臨證之  
際宜察色觀容不可鹵莽假如額赤知為心熱鼻紅知為脾熱左腮青知為肝有餘右腮  
白知為肺不足顏白知為腎虛之類更忝之以虎口三關之脈其小兒之病情斯過半矣  
傳曰幼吾幼以及人之幼仁人之心斯言其可忽諸

又論變蒸

夫小兒之初生血氣未足陰陽未和臟腑未實骨格未全有變蒸之候每三十二日一發  
熱或吐或汗或呻吟不食此為長血脈全智意之常候不須治而自愈按諸家所論皆謂  
乃小兒長骨脈臟腑與神志也自生之日始每三十二日一變凡人有三百六十五骨除  
手足四十五碎骨外止有三百二十骨自生下骨而上一日十骨三十二日乃為一變骨  
氣始全一變生一臟或一腑十變則臟腑始足每變發為虛執諸證亦有胎氣壯實暗變  
而無發熱證者此骨節臟腑由變而全胎毒亦因變而散也為兒醫者可不審乎

脈法總論

按古法曰凡小兒證候難以手太陰尺寸脈診如一歲至六歲曰嬰孩惟以男左女右手  
次指三關之脈以為驗病輕重死生之訣第一節名風關無脈則無病有脈則病輕第二



節名氣關脈見則病重尚可以藥治而已第三節名命關脈見則病劇乃九死一生之惡候也多不可治七歲八歲曰鬣九歲十歲曰髻始可以一指探掌後尺寸三部之脈而以一息七八至為無病之常脈十一歲至十四歲曰童稚而以一息五六至為常脈也數則為熱遲則為寒浮則為虛為風沈則為實為積為痛浮而數者為乳癩驚悸虛而軟者為慢驚瘕癥緊而實者為風癰牢而革者為便秘沈而弦者為食積為腹痛緊而弦者為氣急為風寒洪數者為熱伏結為傷食軟細者為虫疳若氣促脈代散亂無倫次者死在須臾而不治也業幼科者其可不盡心于此乎

今將手指三關之脈繪圖分註開列于後



一風關易治

二氣關病重

三命關死候

三關青是四足驚

三關赤是水驚

三關黑是人驚

如有此三關通度脈候是極重之證必死餘並可治

山風關青如魚刺易治乃初驚之候也黑色難治

氣關青如魚刺主疳勞身熱易治



命關青如魚刺主虛風邪傳脾難治

風關青黑色如懸針主水驚易治

氣關赤色如懸針主疔病兼肺臟積熱尤可為治

命關凡有此脈不問五色皆是死候

又三關通度如懸針者主慢驚風難治

川風關如水字主驚風入肺咳嗽面赤

氣關如水字主膈上有涎并虛積停滯

命關如水字主驚風疔極夾驚候不拘五色三關通度者不治

乙風關如乙字主肺臟驚風易治

氣關如乙字主驚風病重

命關如乙字青黑色主慢驚風難治

乙風關如曲虫主疔病積聚胸前如橫推筭子肚皮如吹胖猪脬

氣關如曲虫主大腸有穢積

命關如曲虫主心痛傳肝難治

乙風關如環主肝臟有疔積積聚



氣關如環主疔入胃吐逆不治

命關如環惡候不治

○此紋若在風氣二關易治若在命關通度難治

○此紋若在手上海面上或左右腹脇上或在左右臉邊皆死候

乙脈曲向裏者是氣疔

丙脈曲向外者是風疔

丁脈斜向右者是傷寒身熱不食無汗

戊脈斜向左者是風傷身熱不食有汗

己雙鉤脈者是傷寒

己三曲如長虫者是傷硬物

己兩曲如鉤者是傷冷物

己脈一頭如環有獨脚者是傷冷

己面上有此點子必是再發之候

己凡頭面上或肚腹上有大脈併青筋如此者並是食毒物及驚積難治

己參脈如亂虫是常疔亦有虫疔虻疔食積之疔皆可治



凡脈微細不足者並是風氣俱宜消疴然後取虫積肥孩兒是良法也

附湯氏察小兒神色總斷

凡看小兒病宜先觀形證神色然後察脈假如肝之為病則面青心之為病則面赤脾之為病則面黃肺之為病則面白腎之為病則面黑先要分別五臟形證次看稟受盈虧胎氣虛實明其標本而治之無不可者

面上諸候形證歌

凡七首

痢疾眉頭皺驚風面頰紅渴來唇帶赤毒熱眼朦朧

又一首

山根若見脈橫青此病明知兩度驚赤黑困疲時吐瀉色紅啼夜不曾停

又

青脈生于左太陽須驚一度見推詳赤是傷寒微燥熱黑青知是乳多傷

又

右邊青脈不須多有則頻驚怎奈何紅赤為風抽眼目黑青三日見闍羅

又

指甲青兼黑暗多唇青惡逆病將瘥忽作鴉聲心氣急此時端的命難過



又

蚘虫出口有三般口鼻中來大不堪如或白虫兼黑色靈丹縱服病難安

又

四肢瘡痛不為祥下氣沖心兼滑腸氣喘汗流身不熱手拿胸膈定遭殃

內八段錦

凡四首

紅淨為安不用驚若逢紅黑便難寧更加紅亂青尤甚取下風痰病立輕

赤色輕微是外驚若如米粒勢難輕紅散多因乘怒亂更加搐搦實難平

小兒初誕月腹痛兩眉顰此號盤腸氣啼哭又呻吟如反目仰視者天吊風也

小兒初誕月肌體瘦廋羸髮禿毛稀少元因鬼王胎

外八段錦 凡十首

先望孩兒眼色青次看背上冷如冰陽男搐左無妨事搐右令人甚可驚女搐右邊猶

可治若逢搐左疾非輕歪斜口眼終為害縱有仙丹也莫平

眼中赤脈實難量大數元來一不祥最怕亂紋鋪目下更嫌赤脈貫瞳光

顛門腫起定為風此候應知最是凶忽陷成坑如蓋足未過七日命須終

鼻門黑燥渴難禁面黑唇青命莫存肚大青筋俱惡候更嫌腹有直身紋



忽見眉間紫帶青看夾立便見風生青紅碎雜風將起必見疔癰膈氣形  
亂紋交錯紫嫌青急急求醫免命傾盛紫再加身體熱須知臟腑惡風生  
紫少紅多六畜驚紫紅相等即疔成紫點有形如米粒傷寒夾食證堪評  
紫散風傳脾臟間紫青口渴是風癰紫隱深沈難治療風疫祛散命須還  
黑輕可治死還生紅赤傷寒疫積停赤青脾受風邪證青黑脾風作慢驚  
紅赤連兮赤紋輕必然乳母不相應兩手忽然無脈見定知衝惡犯神靈

急慢驚風一

論

內經曰諸風掉眩皆屬肝木夫小兒八歲以前曰純陽蓋其真水未旺心火已炎故肺金  
受制而無以平木故肝木常有餘而脾土常不足也為父母者而有失于保養其或衣服  
寒暄不調以致外邪侵襲或飲食之飢飽失節以致中氣損傷是故急慢驚風之候作矣  
夫惟急驚屬肝木風邪有餘之證治宜清涼苦寒瀉氣之藥慢驚屬脾土中氣不足之候  
治宜中和甘溫補中之劑若夫急驚之候因聞不常之聲或遇驢馬禽獸之號以致面青  
口噤或聲嘶而厥發過則容色如故良久復作其身熱面赤引飲口鼻中氣熱大小便黃  
赤色惺惺不睡蓋熱甚則生疫疫盛則生風偶因驚而發耳宜用錢氏利驚丸瀉青丸抱



龍丸宣風散五福化毒丹等藥慢驚之證多因飲食不節損傷脾胃以致吐瀉日久中氣大虛而致發搐發則無休止時其身冷面黃不渴口鼻中氣寒大小便青白昏睡露睛目上視手足痠痲筋脈拘攣蓋脾虛則生風風盛則筋急俗名天吊風者即此候也治宜東垣黃芪湯錢氏鈞藤丸溫白丸丹溪參朮湯送下硃砂安神丸之類錢氏謂急驚為無陰之證因心經實熱而陰不能以配陽是為陽盛陰虛之候也謂慢驚為無陽之證因脾土虛甚而陽不能以勝陰是為陰盛陽虛之候也愚按小兒急慢驚風之證其虛實寒熱如天淵之隔故急驚者十生一死慢驚者十死一生俗醫多不諳此理混為一途而治誤人多矣業幼科者宜推幼幼及人之心為心庶免斯世無夭折之亦子矣幸甚

脈訣

並見前總章

方法

丹溪方法凡二條

丹溪曰錢氏方乃小兒科之祖其立例極妙若能增損而用之無不驗也

又曰驚風有二慢驚屬脾虛所主多死宜溫補一云當養脾用參朮煎湯下安神丸急驚屬痰熱宜涼瀉一云用養血藥作湯下降火清痰丸子抱龍丸之類世以一藥通治

二證甚謬

東垣治驚論曰外物驚宜鎮心以黃連安神丸若氣動所驚宜寒水石安神丸大忌防風



九治風辛溫之藥必殺人何也辛散浮溫熱者火也因驚而泄青色先鎮肝以硃砂之類勿用寒涼之藥大禁涼驚丸風木旺必尅脾胃當先實其土後瀉其木閻孝忠編集錢氏方以益黃補土誤矣其藥有丁香辛熱助火火旺土愈虛矣青橘皮瀉肺金丁香辛熱大瀉肺與大腸脾實當瀉子令脾胃虛反更瀉子而助火重虛其土殺人無疑矣其風木旺證右關脈洪大掌中熱腹皮熱豈可以助火瀉金如寒水來乘脾土其病嘔吐腹痛瀉劑青白益黃散聖藥也今立一方先瀉火補金大補其土是為神治之法

黃芪湯 治慢驚風之神藥也

黃芪 二錢

人參 一錢

免甘草 五分

加白芍藥 一錢

右細切作一服水一盞煎至半盞去粗食遠溫服上三味皆甘溫能助元氣甘能瀉火內經云熱淫于內以甘瀉之以酸收之白芍藥酸寒能瀉火酸味能瀉肝而大補肺金所補得金土之位金旺火虛風木何由而來尅土然後瀉風之邪

又曰夫益黃散理中丸養神丸之類皆治脾胃寒溼太盛神品之藥也若得脾胃中伏熱勞役不足之證及服熱藥巴豆之類致胃虛而成慢驚之證用之必傷人命夫慢驚風者皆由久瀉脾胃虛而生也錢氏以羌活膏瘡慢驚風誤矣脾虛者由火邪乘其土位故曰從後來者為虛邪火旺能實其木木旺故來尅土當于心經中以甘



溫補土之源更于脾土中瀉火以甘寒更于脾土中補金以酸涼使脾土中金旺火衰風木自虛矣損食多進藥愈上藥是也

益黃散治胃中風熱又治風木旺右關脈洪大掌中熱腹皮熱或寒水乘脾土嘔吐腹痛瀉痢青白亦佳

黃芪 二錢

陳皮 去白

人參 各一錢

白芍藥 七分

生甘草

炙甘

草 各五分

黃連 少許

右為細末分三服每服用水一盞煎至半盞食前服

錢氏安神丸治邪熱驚啼心疳面黃頰赤壯熱

麥門冬 去心

馬牙硝

白茯苓

乾山藥

寒水石

甘草 各五錢

硃砂 一兩

龍腦 一字

右為細末煉蜜為丸如芡實大每服半丸砂糖水磨化下慢驚用參朮煎濃汁化下

錢氏白朮散治積痛和胃生津止瀉頻瀉利將欲成慢驚風者服之決効

人參

白朮

木香

白茯苓 去皮

炙甘草

藿香 各一錢

乾葛 二錢

右細切分二服每服水一盞煎至半盞溫服

丹溪加山藥

白扁豆 炒

肉豆蔻 用生薑一片煎

若慢驚風已作加細辛天麻

錢各一

全蝎 三枚 去毒

白附子 八分 剉

同煎服不拘時候

一方治驚風用母丁香一粒細嚼人中白少許以其母中指取血調擦牙上即甦



急慢驚風發熱口瘡手心伏熱痰熱痰嗽痰喘並用湧法重劑用瓜蒂散輕劑用苦參赤小豆末以酸齏汁調服吐之吐後稍定更用防風通聖散為末蜜丸服之間以桑羊乾為末米飲調服以平其風氣

又方治急慢驚風

薄荷葉

寒水石各五分

青黛

白僵蚕

硃砂各一錢

全蝎二枚

猪牙皂角

槐角各五分

右為細末燈草湯和乳汁調時時灌之

又方治慢驚風子母俱服

人參

白朮各一錢

茯苓

陳皮各五分

甘草

薄荷各二分

半夏

天麻各七分

細辛三分

全蝎去毒炒一枚

右細切作一服加姜三片水一盞煎至七分服

鎮驚丸鎮驚寧神退心熱夜啼化痰止咳

珍珠一錢

琥珀

天竺黃

雄黃各三錢

金箔研十片

膽星五錢

牛黃二錢

麝香五分

硃砂三錢半

右為細末麥麪糊為丸如梧桐子大每服五六丸薄荷姜蜜湯化下

奪命丹治急驚不省人事目定直視牙關不開唇白或黑者



南星

半夏

各四錢為末以生薑汁捏和作餅子焙乾

珍珠

新白者二錢研

巴豆

去油淨一錢

硃砂

四錢

金箔

銀箔各十片

輕粉

麝香

各五分

右為細末麪糊丸如黍米大每一歲兒一丸燈心湯化下

利驚丸治急驚風神効

天竺黃二錢

輕粉

青黛各一錢

黑丑

頭末半兩生用

右為細末研勻煉蜜丸如梧桐子大一歲兒一丸三歲兒二丸五歲兒三丸溫薄荷

水下食後服

瀉青丸又名瀉肝丸

治肝熱急驚搐搦等證

羌活

川芎

梔子仁

草龍膽

當歸

防風

去蘆

川大黃

滌

裏煨各等分一本無大黃

右為細末煉蜜丸如芰實大每服半丸至一丸煎淡竹葉湯同砂糖溫水化下

抱龍丸治傷風瘟疫身熱昏睡氣竈風熱痰實壅嗽又治驚風潮搐及蠱毒中暑沐浴後

並可服壯實小兒宜時與服之則免痰熱驚悸之證

雄黃二錢半飛

辰砂另研五錢

天竺黃一兩

天南星

焙為末臘月納牛胆中陰乾百日取研秤四兩

如無只將生乾者去皮臍炒熟用然不及胆星

麝香五錢別研恐太多今用二錢半



右為末煮甘草膏和丸如皂子大溫水化下百日兒每丸分作三服一歲兒半丸五  
歲兒二丸童卅三五丸室女白帶伏暑用鹽少許細嚼一二丸新汲水送下臘月用  
雪水煮甘草和丸尤佳一法用漿水或新水浸南星三日煮三五沸去皮取白肉切  
焙炒黃色為末每八兩以甘草二兩半拍破用水二碗慢火煎至半碗去粗旋旋酒  
入南星末徐徐研之令甘草水淨入餘藥

千金龍膽湯治嬰兒出腹血脈實盛寒熱交作四肢驚掣併諸疳驚等證

草龍胆 各三錢 釣鈎藤 柴胡 黃芩 桂枝 茯神 芍藥 甘草

各三錢 蜣螂七枚炒 大黃五錢 右細切用水一升煮至五合徐徐服之

宣風散治急驚風搐搦不定

檳榔二枚 陳皮 甘草各五錢 黑丑四兩半生半炒取頭末二兩

右為細末二三歲兒蜜湯調下半錢已上一錢食前服

五福化毒丹治急驚風痰熱搐搦等證

桔梗微炒 玄參洗焙各六兩 青黛研 牙硝枯各二兩 人參三兩去蘆 茯苓

去皮 炙甘草半一兩 銀箔八片為末 金箔八片為衣 麝香五分另研

右為細末入研藥拌勻煉蜜丸每兩分作十二丸一歲兒每丸分四服用薄荷水化下



瘡疹餘毒上攻口齒涎血臭氣以生地黃自然汁化一丸以雞翎刷口內

金箔丸治急慢驚風痰涎壅盛

半夏湯泡七次

天南星煨裂

白附子炮

防風去蘆各五錢

雄黃

硃砂

各二錢半

生犀末一錢

牛黃

龍腦

麝香各五分

金箔二十片

右為細末薑汁調麪打糊為丸如麻子大每服三五丸至一二十丸人參湯下慢

驚風去龍腦

鉤藤飲治吐利脾胃氣弱虛風慢驚

鉤鉤藤五分

蟬蛻

防風去蘆

人參

麻黃去節

白殭蚕炒

天麻

蝎尾去毒炒各二分

甘草炙

川芎各一分半

右細切作一服水一盞煎至六分溫服量人大小加減分數與之虛寒者加附子末半分

溫白丸治小兒脾氣虛弱泄瀉瘦怯冷疳洞泄及吐瀉久病轉成慢驚身冷瘳癎等證

天麻五錢

白殭蚕炒

白附子生

全蝎去毒炒

天南星湯泡七次焙各二錢五分

右為細末湯浸寒食麪為丸如菉苳大每服五七丸至二三十丸空心薑米湯下

涼驚丸治驚疳

草龍膽

防風去蘆

青黛各三錢

鉤藤二錢

黃連一兩

龍腦一錢



牛黃

麝香

各一錢

右為細末麥麪糊丸如黍米大每服三五丸至一二十九煎金銀湯送下

發搐二

男發搐目左視無聲右視有聲

女發搐目右視無聲左視有聲

相勝故也更  
看所發時候

早晨發搐因寅卯辰時潮熱目上視手足動搖口流熱涎頸筋急此肝木大旺當補腎

抑肝補腎地黃丸抑肝瀉青丸主之

日午發搐因巳午未時潮熱心神驚悸目上視白睛赤色牙關緊急口流涎手足動搖

此心火大旺也當補肝瀉心補肝地黃丸瀉心導赤散涼驚丸主之

日晚發搐因申酉時潮熱搐而喘目微斜視睡則露睛手足冷大便下薄淡黃水此是

肺病當補脾而抑心肝補脾益黃散抑心導赤散抑肝瀉青丸主之

夜間發搐因亥子丑時潮熱不堪搐而臥不穩身體溫無壯熱目睛緊斜視喉中有痰

大便銀褐色乳食不消多睡不醒當補脾抑心補脾益黃散抑心導赤散涼驚丸主之

傷風發搐口中氣出熱呵欠煩悶手足動搖當發散大青膏主之小兒稟賦素怯者多病此

傷食發搐身體溫多睡多唾或吐不欲食而搐當先定搐搐退用白餅子後服安神丸



百日内發搐有真假二證真者不過二三次必死假者發頻不為重真者內生驚癇假者外傷風冷蓋血氣未實不能勝邪乃發搐也奚知假者口中氣出熱也治之宜發

散大青膏主之及用塗顛法與沐體法

補腎地黄丸 見疳病門

瀉青丸 見前驚風門

導赤散治心熱

生乾地黄

木通

甘草

各等分

右細切每服三錢水一盞入淡竹葉七片同煎至半盞食後溫服 一本無甘草有黃芩

涼驚丸 方見前

益黃散 方見疳病門

大青膏治小兒傷風吐瀉心溫乍涼乍熱

天麻

青黛 各一錢

白附子

一錢五分

蝎尾

去毒

烏蛇肉

酒浸焙乾

硃砂

天竺黃

麝香 各一錢

右為細末生蜜和成膏每服半皂子大或一皂子大月中兒粳米大同牛黃膏溫薄

荷水化一處服之五歲以上同甘露飲服 錢本有天麻無大青

按此知閻孝忠加減方也

牛黃膏治熱及傷風壯熱引飲



雄黃

甘草

甜硝

寒水石

生各二錢五分

蔚金

一錢

萊菔粉

五錢

腦子 一錢

右為細末和勻蜜和成膏薄荷水化下半皂子大食後服

甘露飲治心胃熱咽喉痛口舌生瘡併瘡疹已發未發皆可服又治熱氣上攻牙齦腫牙

齒動搖含漱併服 方見痘疹門

白餅子

又名玉餅子

治小兒腹中有癖但飲乳嗽而生痰

滑石

輕粉

半夏

湯泡七次

南星

各一錢

巴豆

二十四粒去皮膜用水三升煮水盡為度一作水三升

右研勻巴豆後入衆藥以糯米飯為丸如菴豆大捏作餅子三歲已上兒三五餅已下一二餅煎薄荷湯下臨臥服

塗顯法

麝香

蜈蚣末

牛黃末

青黛末

各一字

蝎尾

去毒為末五分

薄荷葉

五分

右為細末研勻熟棗肉劑為膏新綿上塗勻貼顯上四方可出一指許火上炙手頻

熨百日裏外兒可用此及浴法

浴體法治胎肥併胎怯胎熱

烏蛇肉

酒浸焙為末

白礬

青黛 各二錢

天麻 二錢

蝎尾 去毒為末

硃砂

各五分

麝香 一字



右同研為細末每服用三錢水三碗帶葉桃枝一握同煎至十數沸溫熱浴之勿背浴

五癩三

凡治小兒五癩皆當隨臟治之每臟各有一獸所屬如犬癩反折上竄犬叫肝也牛

癩目直視腹滿牛叫脾也雞癩驚跳反折手縱雞叫肺也猪癩如尸吐沫猪叫腎

也羊癩目瞪吐舌羊叫心也五癩重者死病後甚者亦死治法並用五色丸主之

五色丸

硃砂另研

珍珠末各五錢

雄黃一兩一作三兩

水銀二錢半一作二兩

黑鉛二兩同水銀熬

按用黑鉛二兩水銀當作二兩者為是無疑矣

右煉蜜丸如麻子大每服三四丸煎金銀薄荷湯下

諸疔證四

論

內經曰數食肥令人內熱數食甘令人中滿蓋其病因肥甘所致故命名曰疔若夫襁褓中之乳子與四五歲之孩提乳哺未息胃氣未全而穀氣尚未充也父母不能調攝惟務姑息舐犢之愛遂令恣食肥甘與夫瓜果生冷及一切烹飪調和之味朝飡暮食漸成積滯膠固以致身熱體瘦面色痿黃或肚大青筋虫痛瀉利而諸疔之證作矣錢仲陽曰小



兒病疳多因大病後或吐瀉後以藥下之致脾胃虛損亡津液而成蓋此證實由愚醫之所害耳斯言也特一端耳未可悉以為然其所謂大病吐瀉豈非飲食之所致與夫仲陽為兒醫之祖豈有誤耶其所論諸疳形證治法班班可攷學者不可不審如疳在肝則白膜遮睛法當補肝地黃丸主之疳在心則面頰赤身體壯熱法當補心安神丸主之疳在脾則體黃腹大好食泥土法當補脾益黃散主之疳在肺則氣喘口鼻生瘡亦當補脾益黃散主之此虛者補其母也疳在腎則極瘦而身生瘡疥法當補腎地黃丸主之筋疳則瀉血而瘦當服補肝地黃丸骨疳喜臥冷地當服補腎地黃丸內疳則目腫腹脹利色無常或沫青白漸而瘦弱此冷證也宜服木香丸外疳鼻下赤爛自揉鼻頭有瘡不結痂透耳而生當用治瘡爛蘭香散白粉散等藥法曰諸疳皆依本臟而補其母則子自安假令日中潮熱是心經虛熱也肝為心之母宜先補肝肝實而後瀉心心得母氣則內平而潮熱愈矣餘皆倣此大抵疳病當辨冷熱肥瘦而治其初病者為肥熱疳久病者為瘦冷疳冷則用木香丸熱則當用胡黃連丸冷熱疳並宜用如聖丸之類惟小兒之腑臟柔弱不可痛擊大下必亡津液而成疳證為兒醫者常當以幼幼之心為心而善調之母縱巨膽妄為

脈法



方法並見前總章

地黃丸 補肝腎虛 治肝疳白膜遮睛筋疳瀉血腎疳身瘦瘡疥骨疳喜臥冷地又治胃怯

不言解顛小兒年長不能行者專服神効

熟地黃 酒洗 八錢 山茱萸 乾山藥 各四錢 澤瀉 牡丹皮 白茯苓 各三錢

右為細末煉蜜為丸如梧桐子大三歲以下兒三九至五九熟水空心化下年長者

量增丸數

安神丸治邪熱驚啼心疳面黃頰赤壯熱 方見驚風門

益黃散又名補脾散 治小兒脾胃虛寒脾疳體黃腹大好食泥土肺疳氣喘口鼻生瘡等

證

陳皮一錢 青皮 訶子皮 甘草 炙各五分 丁香二分

右作一服細切水一盞煎至六分溫服 愚每于本方加參朮各一錢効

木香丸治瘦冷疳

木香 青皮 檳榔 肉苳蔻 各二錢半 麝香 一錢 另研 續隨子 一兩 去油

蝦蟇 大壯者一名蟾酥俗名風雞三箇燒存性

右為細末煉蜜丸如菉豎大每服三五丸至一二十九丸薄荷湯送下



胡黃連丸治肥熱疳

胡黃連

宣黃連各五錢

硃砂二錢半另研

右為細末和勻填入獷猪膽內用淡漿者以杖子加銚子上用線釣之勿著底候一炊時取出研入蘆薈麝香各一分飯丸如麻子大每服五七丸至一二十九丸米飲下  
一方去足蝦蟇五錢焙乾不燒

蘭香散治外疳鼻下赤爛

蘭香葉收二錢燒存性

銅青

輕粉各五分

右為細末乾敷之

白粉散治疔瘡

烏賊魚骨末七錢

白芨末三錢

輕粉一錢

右為末和勻先用清漿水洗瘡拭乾敷之

如聖丸治冷熱疳瀉

使君子一兩去殼

胡黃連

川黃連

白蕪荑去皮炒各二兩

麝香五分另研

乾蝦蟇五箇酒煮搗膏

右為細末以蝦蟇膏和丸如麻子大二三歲兒五七丸已上十九丸至十五丸人參湯

下不拘時服



香蟾丸治疳消食積虫積肉積及治腹脹大

三稜醋浸炒

蓬莪朮醋浸炒

青皮去白

神麩炒

麥蘖麩炒

草龍膽

酒浸炒

檳榔各五錢

木香二錢

川棟子去核酒煮

使君子去殼

胡黃連

川黃連各四錢

陳皮五錢

白朮一兩一作一錢

乾蟾五箇

右以白朮以上藥俱研為細末以乾蟾用醋煮爛搗成膏和藥如乾再加醋糊為丸

如麻子大每服十五丸清米湯送下

蘆薈丸治小兒疳氣腹脹骨熱

蘆薈另研

木香

檳榔各二錢半

蝦蟇酒浸炙黃去骨

黃連各一兩

蕪荑皮去

青皮去白

陳皮各五錢

巴豆三七粒去壳同上四味炒黃去豆

右為細末猪膽汁丸如小豈大三歲兒三十九丸米湯下

又方治疳積腹大

胡黃連去疳積果積

阿魏醋浸去肉積各五分

麝香當門子四粒

神麩炒去食積

川黃連炒去熱積又去酒積各二錢

右為細末猪膽汁和丸如麻子大每服三十九丸白朮湯送下 一方有蘆薈五分

又方治小兒疳病



黃連

白朮

山查肉

各五錢

胡黃連

蘆薈

各三錢 另研

無莢

二錢五分

神麩炒二錢

右為細末猪膽汁為丸如麻子大量兒大小加減丸數與之

祖傳經驗秘方檳榔丸小兒疳積氣成塊腹大有虫等證其効如神

檳榔 一兩

三稜 煨去毛 切醋炒

蓬莪朮 醋炒各五錢

青皮 去穰殼 炒黃色

陳皮 去白各五錢

雷丸 去殼 五錢

無莢 水洗淨 二錢半

鶴虱 三錢 畧炒

乾漆 五錢 炒無烟

木香 三錢 不見火

砂仁 一錢

良薑 二錢 東壁土同炒

麥蘖麩 五錢 炒

胡黃連 三錢

甘草 三錢 炙

神麩 五錢 炒黃色

山查肉 五錢

右為細末醋糊為丸如菜豈大每服三五丸空心淡姜湯送下

吐瀉 五

論

內經曰諸嘔吐酸暴注下迫皆屬于熱又曰溼勝則濡泄夫小兒之吐瀉皆由乳食過度傳化失常蓋食鬱則成熱熱鬱則成酸酸而成吐成瀉此必然之理也又曰食滯于胃口者為吐食滯于大小腸者為瀉有生下而遂吐不休者胞胎中穢惡流于腸胃而為吐也丹溪曰錢氏五補五瀉之法俱可選用謹遵而依法具錄如左



脈法並見前總章

方法

錢氏曰小兒初生下吐蓋拭掠兒口中穢惡不盡嚥入喉中故吐木瓜丸主之凡生子于未發聲之

先急宜取口中惡血以綿拭令淨後以黃連甘草二味等分煎汁灌一二匙則無已上等病出痘疹亦稀少若啼聲一發則嚥下矣亦當用黃連甘草汁飲之不可忽也

木瓜丸

木瓜末

木香末

麝香末

膩粉即輕粉

檳榔末

各一字

右再研勻麪糊為丸如黍米大每服三二丸甘草湯送下

初生三日內吐瀉壯熱不思乳食大便乳食不消或白色知是傷食當下之而後和胃

下用白餅子和胃用益黃散上二方俱見前

初生三日已上至十日吐瀉身不熱或乍熱乍涼不思乳食大便青白色乳食不消此

上實下虛也更有五臟兼見證宜詳 肺病則睡悶露睛喘氣 心則驚悸飲水

脾則困倦饒睡 肝則呵欠煩悶 腎則不語畏明當先見貌兼臟補脾益黃散主

之蓋此二證多病於夏秋也當先見貌兼臟其義未詳 恐有脫簡以俟知者正之

五月二十五日以後夏至後十日也吐瀉身壯熱此熱乃臟腑中十分中九分熱也或因傷熱

乳食吐乳不消瀉深黃色玉露散主之



玉露散 一名甘露散

石膏

寒水石

各五錢

生甘草

二錢五分

右為細末每服一字或半錢溫水調下

六月十五日以後

大暑節後

吐瀉身溫似熱臟腑六分熱四分冷也嘔吐乳食不消瀉黃白

色似渴或食乳或不食食前少服益黃散食後多服玉露散

按丹溪用去桂五苓散倍白朮加蒼朮甚者二朮炒用或入益元散和勻米湯調下

甚効

七月七日以後

立秋後七日也

吐瀉身溫涼三分熱也七分冷不能食乳多似睡悶亂哽氣長

出氣睡露睛唇白多噦欲大便不渴食前多服益黃散食後少服玉露散

八月十五日以後

秋分後也

吐瀉身冷無陽也不能食乳乾噦瀉青褐水當補脾益黃散主

之不可下也

吐瀉泄黃傷熱乳也吐瀉泄青傷冷乳也皆當下白餅子主之傷熱乳者甘露散傷冷

乳者益黃散溫中丸並於下後服之亦有不須下但服此藥愈者

溫中丸

人參

甘草

炙

白朮 各一兩



右為細末薑汁麪糊為丸如菜菔大每服一二十九粒米飲下

虛弱脾胃不和不能食乳致肌肉消瘦亦有因大病後或吐瀉後脾胃尚弱不能傳化

穀氣也有冷者時時下利唇口青白有熱者身溫壯熱肌肉微黃此冷熱虛羸也冷

者木香丸夏月不可服如有証亦須少服之熱者胡黃連丸冬月不宜服有証須少服木香丸胡黃連丸二方並

見前

吐瀉調脾平胃散入熟蜜和蘇合香丸名萬安膏米飲調服

一方治吐瀉黃疸

三稜 莪朮 青皮 陳皮 神麪炒 麥蘖麪炒 黃連

甘草炙 白朮 茯苓各等分

右為細末溫水調服傷乳食吐瀉加山查時氣吐瀉加滑石發熱加薄荷

夏月吐瀉用益元散極効當表而出之

附證

愚按小方脈科惟急慢驚風與夫痘疹等證最為酷疾以其吉凶反掌生死須臾故

也次則五疳吐瀉為證不一亦不可以易而治也已上四證各立篇目辨論詳明外

其餘一切小疾繁瑣多端一一不能詳盡故各附于吐瀉之後以備檢閱參用云爾



一腹脹 二腹痛 三夜啼 四痰熱 五解顛 六吃泥 七脫囊  
八脫肛 九赤瘤 十臍汁出 十一頭瘡 十二尾骨痛 十三弄舌 十四龜胸  
龜背 十五重舌木舌 十六鵝口口瘡 十七走馬牙疳 十八臍風撮口  
腹脹條

夫腹脹由脾胃虛氣攻作也亦有實者必悶亂喘滿可下之宜用紫霜丸白餅子不喘滿者虛也不可下若誤下致脾虛氣上附肺而行肺與脾子母皆虛肺主目胞腮之類脾主四肢母氣虛甚則目胞腮腫也色黃者屬脾也治用撮氣丸漸消之未愈漸加丸數不可以丁香木香桂皮豈寃大溫散藥治之蓋脾虛氣未出腹脹而不喘者可以溫散藥治使上下分消其氣則愈也若虛氣已出附肺而行則脾胃內弱每生虛氣入于四肢面目矣小兒易為虛實脾虛不受寒溫服寒則生冷證服溫則生熱證當識此不可忽也胃久虛熱多生疸病或引飲不止脾虛不能勝溼隨肺之氣上行於四肢若水狀溼氣浸浮於肺則大喘也此當服撮氣丸而愈

撮氣丸治小兒虛脹如腹大者加蘿蔔子名楊丸子

胡椒 一兩

蝎尾 去毒五錢一方二錢各四十九箇

右為細末麪糊為丸如粟米大每服五七丸至一二十九丸陳米湯下一方有木香錢



治小兒腹虛脹先服搦氣丸不愈腹中有食積結糞小便黃微喘脈伏而實時欲飲水能食者可下之宜消積丸紫霜丸蓋脾初虛而後結有積所治宜先補脾而後下之後又補脾則愈也不可補肺恐生虛氣

一方腹脹

蘿蔔子

紫蘇梗

乾葛

陳皮各等分

甘草少許

右細切水煎服食少者加白朮

腹痛多是飲食所傷

白朮一錢五分

陳皮去白

青皮去穰各七分

山查去核

神麴炒

麥芽炒

砂仁各一錢

甘草分五

有熱加黃芩

有寒加藿香吳茱萸

右為細末每服一錢七分清米飲或白湯調下

腹痛口中氣溫面黃色目無精彩或白睛多及多睡畏食或大便酸臭者當磨積宜消

積丸甚者用白餅子下之後和胃用白朮散

白餅子

方見發搖條下

白朮散

方見驚風門

消積丸

丁香九粒

砂仁十二箇

巴豆二箇去皮心膜及油



右為細末麪糊為丸如黍米大三歲已上三五丸已下一二丸溫水下

心腹痛面皸白口中沃沫及清水出發痛有時當作蚘虫治又曰凡積痛食痛虫痛寒

痛大同小異惟虫痛者當口淡而沫自出小兒本怯故胃寒冷則虫動而心頭痛與

癩略相似但目不斜而手不搖耳安虫散主之

安虫散 實鑑用米糊為丸名安虫丸

胡粉 炒黃色

檳榔

川棟子 去核

鶴虱 各二兩

白礬 二錢五分火枯

右為細末每服一字大者五分或一錢溫米飲下臨痛時服

集効丸 治虫痛

木香

鶴虱 炒

檳榔

訶子 煨去核

蕪荑

附子 去皮臍炮

乾薑 各二兩

大黃 羊兩

烏梅 去核二錢五分

右為細末煉蜜為丸陳皮湯下或醋湯下一方加黃芩黃連

一方治虫用雞子炒白蠟塵酒糊丸服 一云治寸白虫

一方治蚘虫作痛用二陳湯加苦楝根煎服或只以苦楝根向東南生不出土者刮去

麤皮取白皮細切濃煎汁一盞徐徐飲之不可飲多先以糖蜜或炒肉食之引虫頭

向上然後服之看兒大小斟酌與之



小兒吃粽腹痛用白芍藥加黃連末合研湯調服之即愈

一方治小兒腹痛

甘草

炙

乾姜

各二錢

伏龍肝

一兩

人參

茯苓

百草霜

白朮

各五錢

右為細末粥丸梧桐子大每服三五丸陳皮湯下

小兒夜啼作心經有熱有虛治

人參

黃連

薑汁炒各一錢五分

甘草

五分

竹葉

二十片

右為細切分作二貼每貼加生薑一片水煎服一本無人參

錢氏曰小兒夜啼者脾臟冷而痛也當以溫中之藥宜益黃散及以法襪之花火膏之類

愚按上二說不同一曰心熱一主脾寒當審外證而區別之如面青白手腹俱冷不

思乳食者寒也蓋夜屬陰陰盛則脾臟之寒愈盛脾為至陰喜溫而惡寒寒則腹中

作痛曲腰而啼如面赤手腹俱煖口中氣熱者熱也蓋火屬心見燈則煩熱內生兩

陽相搏故仰身而啼外有面色白黑睛少腎氣不足至夜陰虛而啼也

花火膏

燈花

三顆

以乳汁調抹兒口或抹母乳上令兒吮之



治驚啼邪熱乘心也安神丸主之 方見前

小兒風痰壅盛用

南星 五錢 切片以白礬湯泡曬乾 白附子 二兩

右二件共為末麪糊為丸如芡實大每服一丸薑蜜薄荷湯化下

小兒痰熱骨蒸用

二陳湯 五錢 加升麻 二錢 葛根 白芍藥 各一錢五分 人參 一錢

五味子 三十粒 右細切分三貼加姜棗水煎服

又方治前證用

胡黃連 檳榔 各一錢 陳皮 雷丸 各一錢五分 神麪 半夏麪

使君子 白花蓼 各二錢

右為細末麪糊為丸如黍米大每服三五十九白湯下

小兒解顛 頭縫不 因母氣虛與熱多也錢氏曰生下而顛不合腎氣未成也雖長必少

笑更有目白睛多面皸白色瘦者多愁少喜也丹溪用四君子湯合四物湯有熱加

黃連酒炒煎服更以帛繫束及以白斂末敷之

小兒喫泥胃氣熱也用軟石膏黃芩陳皮茯苓白朮煎服



小兒脫囊

陰囊腫大墜下而不收也亦有囊皮脫爛者

木通甘草黃連當歸黃芩煎服囊爛者以野紫蘇葉

面青背紅者是

為末香油調敷皮脫兩丸露者外以青荷葉包之敷藥後自生皮

脫肛

肛門大腸頭脫下也

用東壁土泡湯先薰後洗

又方治前證用五倍子為細末敷而頻托入之

又方治前證用蠶頭燒存性香油調敷

一云以此物燒烟薰之良久自收

小兒赤瘤

俗名赤遊風也

此蓋熱毒氣客于腠理搏于血氣發于皮外赤如丹也用

生地黃

木通

荊芥

一本有芍藥桃仁

若寒帶表之藥外以芒硝泡湯洗之又以芭蕉油塗之錢氏用白玉散敷之皆效

白玉散

白堊

音惡白色土也五錢

寒水石

一兩

右為細末米醋或新汲水調

小兒臍中汁出併痛用白礬火煨枯乾敷或用黃柏末敷之

癩頭用通聖散酒拌除大黃另用酒炒共為末再以酒拌焙乾每服一錢水煎服外以

白炭燒紅淬入水中乘熱洗之更以胡荽子伏龍肝懸龍尾黃連白礬為末油調敷

之

又方治癩頭以松樹厚皮燒存性二兩黃丹火飛一兩白礬火枯黃連大黃各五錢白



膠香火飛傾石上一兩輕粉四蓋共為末熟香油調敷

丹溪治一小兒二歲滿頭生瘡一日瘡忽自平遂患痰喘知其為胎毒也詢其母孕時多食辛熱物遂以人參連翹黃連甘草陳皮川芎芍藥木通濃煎入竹瀝與之數日而安尾骨痛屬陰虛有痰

陰虛用四物湯加炒黃柏酒知母少用桂為引或以前胡木香為引如痛不止加乳香沒藥 痰用二陳湯加知母黃柏澤瀉必用前胡木香為引蓋陰虛故痰盛也如痛不止亦加乳香沒藥 二法必先以玉燭散或通經散痰小胃丹大下後用之或神祐丸十棗湯皆可與治帶同

小兒弄舌因脾臟有微熱令舌絡微緊時時虛舌舐之勿用冷藥及下之少與瀉黃散徐徐服之有欲飲水者非熱也脾胃中津液少也不可下若大病後弄舌者凶

瀉黃散

藿香葉 七分

梔子 一錢

石膏 五分

甘草 七分半

防風 去蘆四分

右細切作一服用蜜酒炒香熟以水一盞煎至半盞去粗時時與之

龜胸乃肺熱脹滿攻于胸膈即成龜胸又乳母多食五辛熱物亦成此證宜瀉白散加

黃芩



瀉白散

桑白皮

蜜水拌炒  
黃色一錢

地骨皮

一錢

甘草

炙五分

加黃芩

一錢

右作一服水煎

龜背兒生下客風入脊遂于骨髓即成龜背治之以龜尿點骨節即平 取龜尿法用

蓮葉置龜于上尿自出

重舌木舌乃小兒舌下生舌也

用三稜針于舌下紫脈刺之出惡血即愈

又方用竹瀝調蒲黃末敷舌上神效

又方治小兒木舌塞口欲滿者用紫雪三錢竹瀝半合細研和勻頻敷口即愈

治小兒口瘡用鹽白梅

燒存性

紅棗

連核燒  
存性

鉛丹

火飛

人中白

火飛

龍腦

少許

共為細末敷之神效

治小兒鵝口瘡因白屑滿舌及兩脣故名鵝口用髮纏指頭蘸井花水拭口令淨又用

濃煮粟米汁以綿纏筋頭拭之更以煨過黃丹搽之即愈

又方治鵝口瘡不能食乳用地雞搗水塗瘡即愈

地雞即區虫也  
家磚石下多有之

治小兒口瘡瀉心湯用黃連為細末蜜水調服



治小兒口瘡用黃柏細辛各等分為細末敷之

治小兒頰上生瘡痛痒難忍用白楊木枝燒於火上出漉敷之及治鵝口瘡神効

治小兒走馬牙疳方其効如神

枯白礬

黃丹飛

京棗連核燒存性

共為末敷之

又方治牙疳用白礬置於五倍子內煨過為末敷之

治小兒臍風撮口因臍斷傷風或尿在胞中遂成臍風發熱面赤啼聲不出名曰撮口

風

瞿麥五分

蝎梢四箇

殭蚕七箇

赤脚金頭蜈蚣一條

右為細末鵝毛管吹些少入鼻中如噴嚏叫聲可治後用薄荷汁調與服之

痘疹六

論

內經曰諸痛痒瘡瘍皆屬心火夫小兒痘疹之證最為酷疾不日之間死生反掌蓋因胎毒藏於命門遇歲火太過熱毒流行之年則痘毒因之而發作矣一發則出於心肝脾肺四藏而腎無留邪者為吉若初發便作腰痛見點則紫黑者多死蓋毒氣留於腎間而不發越故耳錢氏雖有百祥丸大下之法然活者十無一二大抵痘瘡之法多歸重於脾肺



二經蓋脾主肌肉而肺主皮毛故遍身為之斑爛也其為證也宜發越不宜鬱滯宜紅活  
凸綻不宜紫黑陷伏瘡出之後醫者當察色詳證以辨表裏虛實用藥其吐瀉不能食為  
裏虛不吐瀉能食為裏實灰白色陷頂多汗為表虛紅活凸綻無汗為表實又諸痛為實  
諸痒為虛外快內痛為內實外虛外痛內快為內虛外實裏實而補則結癰毒表實而復  
用實表之藥則潰爛不結痂也如表虛者瘡易出而難靨表實者瘡難出而易收裏實則  
出快而輕裏虛則發遲而重表實裏虛則陷伏倒靨裏實表虛則發慢收遲治之之法三  
日已前未見紅點必用升麻湯參蘇飲之類以發其表務令微汗為度若未汗如表猶未  
解雖略見紅點隱約於肌肉間而升散開發之劑尚未可除凡見出遲發慢者根窠欠紅  
活者便當憂慮調攝切勿袖手待斃夫古人用藥寒熱迥別主意不同醫者再宜臆度寒  
暄推詳運氣而治如陳文中之木香散異功散用丁附姜桂等峻熱之藥而與內經病機  
不合丹溪特發揮其誤亦有用得其當者屢獲捷効若劉河間張子和輩悉用芩連大黃  
等寒涼之劑丹溪亦曰酒炒芩連各解痘毒依法用之而獲安者亦不少也今之醫者往  
往不同依陳氏而行者多用熱藥宗劉張而治者多用涼劑是故不偏於熱則偏於寒此  
刻舟求劍之道也愚按內經有曰寒者熱之熱者寒之微者逆之甚者從之又曰逆者正  
治從者反治從少從多觀其事也陳氏用從治之法權也劉張用正治之法常也然皆不



外乎參朮芪草芍歸芪苓芍藥等補氣血藥為主治焉亦當看時令寒熱緩急施治固不可執一見也楊氏曰痘瘡發於肌肉陽明胃氣主之脾土一溫胃氣隨暢決無陷伏之患湯氏曰如庖人籠蒸之法但欲其鬆耳滄洲翁呂復折衷衆說著方立論適中用藥寒熱攻補斟酌時宜未嘗執一治也學者能遵守其法而行之庶無一偏之患矣

丹溪治小兒痘瘡方法凡三十二條

夫小兒痘瘡大抵與傷寒相似發熱煩躁臉赤唇紅身痛頭疼乍寒乍熱噴嚏呵欠喘嗽痰涎始發之時有因傷風傷寒而得有時氣傳染而得有時因傷食發熱嘔吐而得有時因跌撲驚恐蓄血而得或為目竄驚搐如風之證或口舌咽喉肚腹疼痛或煩躁狂悶昏睡或自汗或下利或發熱或不發熱證候多端卒未易辨必須以耳冷尻冷驗之蓋瘍疹屬陽腎藏無證其耳與尻俱屬腎故腎之所部獨冷又不若視其耳後有紅脈赤縷為之真如此可以稽驗矣治療之法首尾俱不可妄下但溫涼之劑無而濟之解毒和中安表而已虛者益之實者損之寒者溫之熱者清之是為權度昔人有喻云如庖人籠蒸之法但欲其鬆耳蓋毒發於表如苟妄下汗則榮衛益虛重令開泄轉增瘡爛由是風邪乘間變証者多矣毒根於裏如苟妄下則內氣益虛毒不能出而返入焉由是土不勝水變黑歸腎身體振寒耳尻反熱眼合肚脹其瘡黑陷十無一生汗下二說古人深戒以此觀瘡疹證狀



雖與傷寒相似而其治法實異傷寒從表入裏瘡疹從裏出表故也解肌之法葛根升麻紫蘇之類可也其或氣實煩躁熱熾大便秘結則與犀角地黃湯或人參敗毒散又或紫草飲多服亦能利之故雖云大便不通者少與大黃尤宜仔細斟酌不可妄用猛浪如小便赤澀者分利小便則熱氣有所滲而出凡熱不可驟遏但輕解之若無熱則瘡又不能發也

凡痘疹春夏為順秋冬為逆

凡痘疹分人清濁就形氣上取勇怯

凡痘疹但覺身熱証似傷寒疑似未明便當先與惺惺散或參蘇飲熱甚者升麻葛根湯人參敗毒散若見紅點便忌葛根湯恐發得表虛也

凡痘瘡初欲出時身發熱耳尻冷呵欠咳嗽面赤必是出痘之候便宜服升麻葛根湯加山查大力子具瘡出必稀少而易愈

凡痘瘡初出時或未出時宜服後藥多者可少少者可無重者可令輕也 一方用苦

絲瓜俗名天蘿近蒂三寸連皮子燒存性細研砂糖拌乾吃入硃砂无妙 又方以硃砂

一味為細末看兒大小或半錢或一錢蜜水調服亦云多者可少少者可無

凡痘瘡發熱之時更以惡實子為末蜜調貼顙門免眼障之患



凡痘瘡初出之際須看胸前若稠密急宜服消毒飲如山楂黃芩酒洗紫草減食者加人參

凡痘瘡初出之時色白者便當大補氣血參朮芪芍升麻乾葛甘草木香丁香酒當歸白芍藥如大便泄加訶子肉苳菟

凡痘瘡初起發時自汗不妨蓋溼熱薰蒸故也甚者當以參芪等實表之藥以防其難靨也

凡痘瘡初起發時煩躁譫語狂渴引飲若飲水則後來靨不齊急以涼藥解其標如益元散之類

凡痘瘡已出可少與化毒湯出不快者加味四聖散紫草飲子紫草木香湯快斑散絲瓜湯之類

凡痘瘡出稠密甚者人參敗毒散犀角地黄湯  
凡痘瘡疎則毒少密則毒甚宜以清涼之藥解之酒炒苓連之類雖數服亦不妨庶無

害眼之患

凡痘瘡爐灰色白淨者作寒看紫黑色者齊湧者煩躁者作熱看黑屬血熱涼血為主白屬氣虛補氣為主中黑陷而外白起得遲者則相兼而治



凡痘瘡當分表裏虛實吐瀉少食為裏虛不吐瀉能食為裏實裏實而補則結癰毒陷  
伏倒靨灰白色者為表虛紅活凸綻者為表實表實而復實其表則潰爛不結痂也  
表虛不起發者或用燒人屎驗

凡痘瘡須分氣虛血虛用補藥氣虛者人參白朮加解毒藥血虛者四物湯加解毒藥

酒炒芩連各解毒

蓋芩連為瘡家之要藥加以酒炒以制其峻寒之性獨存清涼解毒之能是故痘瘡之症當用以殺其毒耳

凡痘瘡雖分氣血虛實大抵多屬氣血不足然當於不足中以別其優劣而以補氣血  
藥中分輕重為用以平為期耳有挾外邪而實者少加防風等藥

大法活血調氣安表和中輕清消毒溫涼之劑兼而治之此平治之法也溫如黃芪當

歸木香葶涼如前胡乾葛升麻葶佐之以川芎白芍藥枳殼桔梗羌活木通紫草之

屬則可以調適矣

黑陷二種因氣虛而毒氣不能盡出者酒炒黃芪紫草人參等藥

凡黑陷甚者亦用燒人屎別用無病小兒糞燒存性蜜水調服一方用人狗猪犬四糞

於臘月燒灰名萬金散

痒塌者於形色脈上分虛實實則脈有力氣壯虛則脈無力氣怯痒以實表之劑加涼

血藥實痒如大便不通者以大黄等寒涼之藥少與之下其結糞氣怯輕者用淡蜜



水調滑石末以鵝翎刷瘡上潤之

瘡乾者宜退火止用輕清之劑荆芥薄荷升麻乾葛之類

瘡溼者肌表間有溼氣也宜瀉溼藥白芷防風之類蓋風藥能勝溼也

咽喉痛者如聖散鼠粘子湯

喘滿氣壅者麻黃黃芩湯

煩渴者甘草散烏梅湯

下利嘔逆者木香理中湯

顏面正者以前法平治則安將欲成就脚色淡者宜助血藥用當歸川芎酒芍藥之類

或少加紅花以潤血色將成就之際脚色紫者屬熱用涼藥解其毒升麻葛根湯炒

芩連及連翹之類甚者必用犀角蓋犀角大解痘毒

將靨時金白色如豈殼者蓋因初起時飲水多其靨不齊名曰倒靨不好宜服實表之

藥及消息大小便何如大便秘宜利大便小便秘宜利小便如小便赤澁者大連翹

湯甘露飲大便秘結內煩外熱者小柴胡湯加枳殼最穩當或少服四順清涼飲子

夫瘡疹用藥固有權度大小二便不可不通其大便看所下黃黑色其毒氣已盛不可

多與熱劑但少用化毒湯可也或不用亦可若大小二便一有秘結則腸胃壅遏脈



結氣滯毒氣無從發泄目閉聲啞肌肉黧黑不旋踵而變矣陷入者加味四聖散更以胡荽酒薄敷其身厚敷其足噴其床帳衣被併以厚綿衣蓋之若未起獨聖散入木香煎服若其瘡已黑乃可用宣風散加青皮錢氏云黑陷青紫者百祥丸下之不一黑者慎勿下余知其所下者瀉膀胱之邪也又云下後身熱氣溫欲飲水者可治水穀不消或寒戰者為逆余知其脾強者土可以制水也百祥丸恐太峻當以宣風散代之瀉後溫脾則用人參茯苓白朮等分厚朴木香甘草各減半為妙蓋瘡發肌肉陽明主之脾土一溫胃氣隨暢獨不可消勝已泄之腎水乎此錢氏不刊之秘旨也其壞瘡者一曰內虛泄瀉二曰外傷風寒三曰變黑歸腎

近時治痘瘡者悉宗陳文中木香散異功散殊不知彼立方之時必運氣在寒水司天之令及值嚴冬大寒為因氣鬱遏痘瘡不得起發紅綻故用辛熱之劑發之其宜也今人不分時令寒熱一舉施治誤人多矣或有雖值溫熱之時山野農家貧賤之人其或偶中一二不可以為常法也

愚按陳氏木香散異功散二方乃素問從治之法又謂之熱因熱用者也蓋痘瘡熱毒怫鬱於內而不得起發故用丁附木香桂心荳蔻等辛散劫鬱之劑一二服劫而開之使向之鬱于內者盡因藥氣而發越乎外故痘子陷伏灰白色者皆翕然紅活



凸綻而內無遺邪矣切勿過劑如一二服後却不起者亦不可多與多則反助其毒轉增黑爛咽閉聲沈而死近世儒醫悉引內經病機諸痛痒瘡瘍皆屬心火之語以正陳氏之失此知常而不知權之論也故使後學狐疑不決當用而不敢用是以袖手待斃衰哉

痘瘡初發時五臟形証一

面及腮頰赤噴嚏屬肺呵欠頓悶屬肝時發驚悸屬心乍涼乍熱手足冷多睡屬脾尻

涼耳涼腎之平症一云腎在膈下不受穢濁獨無証

痘瘡五臟形色二

肝臟發水疱色微青以液為淚故

肺臟發膿疱色多白以液為涕故

脾臟發疹脾為裹血其色如淺黃或如棘棘其形小如斑

心臟發斑其色主血故純赤其形小次於水疱

腎臟居下獨不受穢毒故無候但耳尻冷耳若痘瘡黑陷耳及尻反熱者為逆

斑痘所發之源三

夫嬰兒之胚暉也必資胎養以長其形焉緣母失節慎縱欲恣食感其穢毒之氣藏之



臟腑近自孩提遠至童稚值寒暄不常之候瘡疹由是而發因其所受淺深而為稀稠焉其原實係於心一云相火之氣所為故入於肺則成膿疱俗名豌豆亦名麻豆以相火乘金故破肌也入於肝則成水疹俗名鼓瘡入於脾則成癰疹入於心則成斑以火處于子母之分不傷皮毛彭君之德也或云瘡發焮腫于外者屬少陽三焦火也謂之斑色小紅而行于皮膚中出者屬少陰君火也謂之疹楊氏曰痘瘡發於肌肉陽明胃氣主之脾土一溫胃氣隨腸土可勝水決無陷伏之患

辯內外因四

凡瘡欲出而未出因發搐者是外感風寒之邪而內發心熱也宜王氏惺惺散或升麻

葛根湯木香參蘇飲

凡瘡欲出未出而吐利者是中焦停寒或挾宿食也宜四君子湯加砂仁陳皮或和中

散如挾宿食者用紫霜丸

王氏惺惺散

白朮炒

桔梗去蘆

細辛

人參

茯苓

甘草

括萸根各三分

右細切作一服入薄荷葉三片水一盞煎七分時時與之

升麻葛根湯



升麻 葛根 芍藥 甘草 炙各一錢

右細切作一服水一盞煎七分溫服無時

木香參蘇飲

人參 三分 蘇葉 桔梗 乾葛 前胡 各四分 陳皮 茯苓 各五分

枳殼 炒三分半 木香 一分半 半夏 四分

右細切作一服加生薑三片水一盞煎七分溫服

四君子湯

人參 白朮 茯苓 各一錢 甘草 五分

右細切水一盞煎六分食前溫服加縮砂陳皮名六君子湯

和中散

甘草 三分炙 厚朴 薑汁制炒一錢 白朮 五分 乾薑 炮三分

右細切作一服加生薑一片水一盞煎六分稍熱服

紫霜丸

杏仁 五十枚去皮尖 赤石脂 一兩另研 巴豆 三十粒去膜油 代赭石 煨醋淬一兩研

右各另研為末和勻湯浸蒸餅為丸如黍米大三歲以下兒二三丸八歲以上十數



丸食前米飲或乳汁送下

辨形氣病五

如瘡已出而聲不變者形病也瘡未出而聲變者氣病也宜補肺散加生黃芪 瘡出而聲不出者形氣俱病也形病身溫者宜解毒防風湯大便閉者宜當歸丸 形氣俱病小兒稟賦柔弱者宜豫服十奇散倍歸芪少加木香煎服

補肺散

阿膠一錢半炒成珠

牛蒡子炒三分

馬兜鈴五分

甘草二分

杏仁三粒去皮

糯米一錢炒

加生黃芪五分

右為末分二服水一小盞煎六分食後時時與之

解毒防風湯

防風去蘆一錢

地骨皮

生黃芪

芍藥

荊芥穗

鼠粘子

炒各五分

右細切作一服水煎或為細末用溫水調服亦可

當歸丸

當歸五錢

黃連炒一分五分

大黃二分五分

甘草一分一錢一本作一兩

右先以當歸熬成膏子以下三味研為細末以膏和為丸如胡椒大三歲以下兒十



丸七八歲兒二十九食前清米飲下漸加至以利為度

十奇散即托裏十補散又名十宜散出和劑方

黃芪

人參

當歸各二錢

厚朴薑制

桔梗去蘆各一錢

桂心三分

川芎

防風去蘆

甘草

白芷各一錢

右為細末每服一錢或二錢溫酒調下細切水煎亦可

辯三陰三陽經候六

太陽病惡寒身熱小便赤澀出不快宜荊芥甘草防風湯少陽病乍寒乍熱出不快宜

連翹防風湯陽明病身熱目赤大便閉實瘡遍肌肉出不快宜升麻葛根湯加紫草

太陰病自利四肢逆冷宜附子理中湯木香散少陰病瘡黑陷口舌燥宜四物湯加紫

草紅花厥陰病舌卷卵縮時發厥逆宜異功散

三陰病法當救裏故宜以溫劑助之

荊芥甘草防風湯

荊芥

薄荷

牛蒡子

防風

甘草

各六分

右細切作一服水一盞煎六分食前稍溫服

連翹防風湯



連翹 防風 瞿麥 荆芥穗 木通 車前子 當歸 柴胡

赤芍藥 白滑石 蟬蛻 黃芩 紫草茸各三分 甘草炙一分

右細切作一服水一盞煎七分隨兒大小量數輕重與之大小便自利者不宜用

升麻葛根湯前方見後條每服加粳米五十粒紫草半錢煎 又一方升麻湯治斑在面

升麻一錢 犀角 射干 黃芩酒浸焙乾 人參 甘草各五分

右細切作一服水一盞煎六分食前溫服

理中湯

人參 甘草炙 乾薑炮各八分 白朮八分

右細切作一服加炮附子三分甚者五分量兒大小加減水煎食前稍熱服

木香散

木香 大腹皮酒洗淨 人參 桂心 青皮 赤茯苓 前胡 訶子

煨去核 半夏薑制 丁香 甘草各三分

右細切作一服加生薑三片棗一枚水煎量兒大小加減分數與之

異功散

木香 當歸酒洗去蘆 桂心 白朮麩炒 茯苓 陳皮 厚朴薑制



人參

肉蓯軀裏

丁香

半夏湯炮七次

附子泡各三分

右細切作一服加生薑三片大棗一枚水煎溫服

辯三陽証治七

凡痘疹春夏為順當純陽之時也古人治法與傷寒同

足脛熱

兩腮紅

大便秘

小便澀

渴不止

上氣急

脈洪數

以上七証不宜服熱藥

若瘡疹一發有密如蚕種布或如糠粃者合清表宜連翹升麻湯或未出而先發搗是兼外感風寒之邪宜荅湯下解毒丸及犀角地黄湯瘡出不快清便自調知其表當微發散升麻葛根湯若瘡青乾黑陷身不大熱大小便澀滯是熱蓄於內宜煎大黃湯下宣風散若表大熱者不可下黑陷甚者百祥丸

若瘡已發稠密微喘渴欲飲水宜微下之當歸丸及龐氏地黄膏外以黃柏膏塗面佳值盛夏暑熱正熾適瘡大發煩渴大便實者宜玉露散及甘露飲子或昏冒不知人時作搗搗瘡倒靨黑陷者宜豬心龍腦膏

連翹升麻湯即升麻葛根湯加連翹一分是也

犀角地黄湯

犀角鎊

生地黄

牡丹皮

赤芍藥各等分

右細切水煎服



解毒丸

寒水石 研

石膏 研各一兩

青黛 五錢

右以二石細研如粉入青黛和勻湯浸蒸餅為丸如芡實大每服一丸食後新汲水化下或細嚼薑水下亦可三歲兒服半丸量歲數加減服之

宣風散

檳榔 二枚

陳皮

甘草 各五錢

黑丑 四兩取頭末一兩

右為末量兒大小以蜜湯調服

百祥丸

紅牙大戟 不拘多少陰乾漿水煮極乾去骨日中曝乾復納汁中煮汁盡培乾為末

右一味以湯浸蒸餅為丸如粟米大每服三十九丸研碎并麻湯下量兒大小加減丸數與之

龐氏地黃膏

生地黃 四兩

豆豉 半升

雄黃 一錢

麝香 五分

右以猪膏一斤和勻露一宿煎五六沸令三分去一絞去渣下雄黃麝香攪勻稍稍

飲之毒從皮膚中出即愈



黃柏膏

黃柏一兩去粗皮酒炒

萊菔一兩去殼

甘草四兩

右為細末以生芝麻油調從耳前至眼眶並厚塗之日三二次如用早能令瘡不至面縱有亦稀少

玉露散方見前吐瀉門

王海藏云非腎熱相火盛者不宜服此藥利北方

甘露飲子

生地黄

熟地黄並用酒洗

天門冬去心

麥門冬去心

枇杷葉炙去毛

枳殼炒

色黃

黃芩

石斛去根子

山茵陳

甘草各等分炙

右細切作一服水一盞煎六分食後溫服

猪心龍腦膏

梅花腦子一字研

右取新宰猪猪心血一箇為丸如芡實大每服一丸或半丸量見大小與之紫蘇湯

下或井花水化下亦可

辨三陰証治八

凡瘡發於秋冬為逆當純陰之時也



足脛冷 腹虛脹 糞青色 面皸白 嘔乳食 目睛青 脈沈微  
已上七證不宜服寒藥

痘瘡盛出四肢逆冷或自利係在太陰脾經宜急溫之用異功散附子理中湯調中丸  
痘瘡平塌灰白色不澤此是正氣不足宜十補托裏散倍黃芪加熟附子 或四肢  
厥逆時作搐搦係在厥陰宜溫之異功散加防風青皮或和中散去乾葛藿香加附子  
肉桂心

調中丸

白朮

五錢炒

人參

五錢

甘草

炙五錢

乾薑

炮四錢

右為細末煉蜜為丸如菜豆大每服多不過二十九丸溫水食前送下

辨形氣不足丸

肺主氣氣不足則致後三証 自汗聲不出 瘡頂陷塌 不綻肥

並宜十奇散 自汗倍黃芪聲不出倍桔梗

心主血血不足則致後三証 灰白色 根窠不紅 不光澤

並宜芎歸湯加芍藥紫草紅花良驗

芎歸湯



川歸 川芎 各二錢半

右細切水煎服

辯表裏虛實十

表裏俱實其瘡難出而易壓

表裏俱虛其瘡易出而難壓

諸痛為實內快外痛為外實內虛  
內痛外快為內實外虛

諸寒為痛凡瘡發身痛不為外寒所折則肉腠厚密宜分而治之若紅點方見為寒所  
折而肉體有熱宜木香參蘇飲輕者消毒飲或葛根升麻加芍藥湯肉腠密

者宜活血  
散勻氣散

諸痒為虛凡血氣不足多痒此証所謂諸痒為虛也宜十補托裏散及木香散加丁香  
官桂胃主肌肉尤宜四君子湯加歸芍木香紫草煎服或患者不能忘口因

食毒物而作痒者二物湯百  
花膏或四君子湯加解毒藥

消毒飲

牛旁子三錢炒一名鼠粘  
子一名大力子

荊芥 一錢

甘草 五分  
生用

防風 五分  
去蘆

右細切作一服水煎加生犀角尤妙

葛根升麻加芍藥湯升麻葛根湯倍芍藥是也

活血散

白芍藥



右為細末每服一錢溫水調下止痛用酒調下尤驗王海藏云四肢出不快加防風一方用赤芍藥

勻氣散即濟生方八味順氣散加木香也

白朮 白茯苓 白芷 陳皮 烏藥 人參 各五分

甘草錢二分 木香一分半 青皮五分

右細切作一服水一盞煎七分服或細末酒調亦可

二物湯

蟬蛻洗淨二枚 甘草炙一兩 右為末水煎時服之

百花膏

石蜜不拘多少畧用湯和時時以鷺翎刷之瘡痂易落無痕

平治諸方十一 以平為期萬不失一

石壁胡氏曰小兒難任非常之熱亦不可任非常之冷如熱藥太過輕則吐利腹脹重則陷伏倒靨是宜溫涼適中可也仁齋楊氏曰諸熱不可驟去宜輕解之蓋痘瘡無熱則不能起發史氏曰比之種痘值天時暄煖則易生

凡值天時不正鄉隣痘瘡盛發宜服禁方不出方 三荳湯 油飲子 鳳龍膏



凡初覺痘瘡欲發當先解利與傷寒相類疑似之間無用解表胡氏云非微汗則表不

解解表當於紅斑未見之時宜用 王氏惺惺散 錢氏惺惺散 張氏防風湯

升麻葛根湯 張氏四物解肌湯 參蘇飲

三荳湯

赤小荳 大黑荳 萊荳各一升 甘草三兩

右以三豆淘淨用水八升煮豆熟為度逐日空心任意飲荳汁七日水不出

油飲子

真麻油一升 右逐日飲盡水不出 已上二方出扁鵲倉公方

鳳龍膏

烏雞卵一箇 地龍一條活者細小者

右以雞卵開一小竅入地龍在內夾皮紙糊其竅飯鍋上蒸熟去地龍與覓食之每

歲立春日食一枚終身不出痘瘡覺隣里有此症流行時食一二枚亦好

錢氏惺惺散 方見前條與王氏同但一方有防風川芎減半

解毒防風湯 方見前

四物解肌湯



白芍藥 黃芩 升麻 葛根各七分

右細切作一服水一盞煎六分溫服不拘時

瘡出不快十二

活血散加防風湯

龍氏紅花湯

紅花子一合 右以水半升煎百沸服之

紫草湯治瘡出不快及大便自利一名紫草木香湯

紫草 木香 茯苓 白朮各一錢 甘草五分

右細切作一服入糯米一百粒水一盞煎六分食前服

四聖散

紫草 木通各一錢 甘草 枳殼麩炒黃色各半錢

右細切作一服水一盞煎七分溫服不拘時

樺皮飲子

樺木皮二兩 右用水一升煮取半升時時細飲

凡痘瘡出不快者有五證臨病審兒調之



一證天時嚴寒為寒所折不能起發宜散寒溫表冬三月寒甚紅斑初見宜五積散正氣散參蘇飲楊氏調解散陳氏木香散

五積散

白芷 川芎各三分 桔梗去蘆一分半 芍藥 茯苓 甘草炙 川歸

肉桂去粗皮 半夏各二分 陳皮去白 枳殼去穰炒 麻黃去根節各五分

蒼朮米泔浸一錢 乾薑炮四分 厚朴薑製四分

右除肉桂枳殼二味別為粗末外餘十三味細切慢火炒令轉色攤冷次入二味末令均作一服水一盞半入生薑三片煎至一盞去渣稍熱服

正氣散

甘草炙三分半 陳皮 藿香去梗 白朮各五分 厚朴薑製 半夏薑製各一錢半

右細切作一服加生薑三片大棗一枚水煎服

調解散

青皮 陳皮 枳殼麸炒 桔梗去蘆炒 人參 半夏泡七次 川芎

木通 乾葛各四分 甘草 紫蘇各二分

右細切作一服加生薑三片大棗一枚水煎服一方加紫草糯米



一證炎暑隆盛煩渴昏迷瘡出不快宜辰砂五苓散煎生地黃麥門冬調服身熱甚者

小柴胡加生地黃煩渴而便實者白虎加人參湯輕者人參竹葉湯加生地黃煎服

辰砂五苓散

五苓散加辰砂細研為末是也

小柴胡湯 人參白虎湯 人參竹葉湯

方俱見傷寒門

一證服涼藥損傷脾胃或胃虛吐利當溫中益氣宜理中湯吐利甚者加附子或陳氏

異功散木香豆蔻丸

肉豆蔻丸

木香 砂仁 白龍骨 訶子肉

各五錢

赤石脂 枯白礬

各七錢半

肉苳蔻

五錢溼剝衆煨熟

右為細末麪糊為丸如黍米大每服三十九丸至五十九丸煎異功散送下

一證或成血疱一半尚是紅點此毒氣發越不透必不能食大便如常者宜半溫裏半

助養之劑用四聖散加減及紫草木香湯絲瓜湯阮氏萬全散湯氏安斑湯

四聖散 紫草木香湯

方併見前

絲瓜湯

苦絲瓜

不拘幾箇連皮子燒存性為末

右每服一抄時時用米湯調服



此物發痘瘡最妙或以紫草甘草煎湯調服尤佳

阮氏萬全散治痘瘡出不紅潤

防風

人參

蟬蛻 各等分

右細切每服四錢水一盞入薄荷三葉煎六分溫服熱而實者加升麻

湯氏安斑湯

紫草

木通 各五分

蟬退

防風 各三分

甘草 二分

右細切水一鍾煎五分溫服

一證外實之人皮膚厚肉腠密毒氣難以發泄因出不快宜消毒飲透肌散如大便秘實於消毒飲內加大黃梔子仁煎服瘡出太稠宜犀角地黃湯張氏解毒防風湯血氣不足宜十奇散咽嗑不利宜如聖湯加薄荷枳殼口中氣熱咽痛口舌生瘡宜甘露飲子驚風搐搦宜抱龍丸煩渴宜獨參湯黃芪六一湯

透肌散

紫草草

綠升麻

粉甘草 各一錢

右細切水煎服或與消毒飲同煎服尤妙

如聖湯



桔梗 二錢

甘草 一錢

一方加牛旁子麥門冬各一錢

右細切水煎時時服之

抱龍丸 見驚風門

辨外證逆順 十三

身體溫暖者順 寒涼者逆 能食大便實者順 不能食大便利者逆

辨外證輕重 十四

輕者 作三次出耳中無

大小不一根窠紅活

頭面稀少肥滿光澤

重者 一齊並出瀉利而渴

如蚕種布身溫腹脹

灰白色頭溫足冷

辨痘瘡初末形證 十五

微者其邪在腑發為細疹狀如蚊喙所螫點赤色俗名玃瘡 甚者其邪在臟為痘

瘡狀如豌豆根赤頭白穴出膿水俗名疱瘡 二三日始見微微欲出如粟如黍或如菜

豆或如水珠光澤明淨者佳 四日大小不等根窠紅光澤者輕如稠密陷頂瀉者重

六日七日瘡形肥紅光澤者輕如身熱氣喘口乾腹脹足指冷者重 八日九日長足紅

滿瘡蠟色者輕如寒戰悶亂腹脹煩渴氣急咬牙者重之至也 十日十一日瘡當結靨

痂欲落之時將愈 十二十三日當靨而不靨者為逆身稍熱利之以防其餘毒身不壯



熱或腹脹或瀉渴用十二味異功散救之

辯不藥而愈<sub>十六</sub>

痘脚稀疎 根窠紅綻 不瀉不渴 乳食不減 四肢溫和 身無大熱

已上六証並不須服藥惟宜善加調護須使房室溫蓋屏諸穢氣忌見外人毋犯房色及往來婦人月水併腋臭者皆不可近惟宜燒大黃蒼朮以辟惡氣勿宜燒沈檀降真乳香腦麝幃帳之內宜懸胡蔓或以胡蔓浸酒噴床帳併燒木香為佳夫痘瘡之毒最怕穢惡之氣觸犯切不可信僧道看經解穢況無纖毫之力而反恐被其穢惡之氣觸犯亦不可恃其能解而不預防戒之戒之

辯五不治證<sub>十七</sub>

痒塌寒戰咬牙渴不止 痘紫黑色喘喝不甯 灰白色陷頂腹脹 頭溫足冷悶亂

飲水 氣促泄瀉渴

辯疹有陰陽二證<sub>十八</sub>

赤疹屬陽遇清涼而消 白疹屬陰遇溫暖而減

傷寒時氣發斑附<sub>十九</sub>

溫毒發斑宜玄參升麻湯重用荆防敗毒散



胃爛斑因陽明胃實失下或下之太早所致宜化斑湯龐氏石膏湯 時氣斑宜石膏湯  
陽毒斑胃實之人誤服熱劑或加以風暑宜陽毒升麻湯

玄參升麻湯

玄參 去苗洗

升麻

甘草 各一錢半

右煎服

荆防敗毒散

柴胡

甘草

人參

桔梗

川芎

茯苓

枳殼

前胡

羌活

獨活

荆芥穗

防風 各四分

右細切作一服水一盞煎七分溫服或加薄荷五葉

化斑湯即白虎湯加玄參也

龐氏石膏湯

香豉 一合

葱白 五錢

石膏 一兩

梔子 一錢

生薑 五錢

大青

升麻

芒硝 各一錢半

右細切作一服水一升半煮取七合去粗下芒硝放溫徐徐服之

陽毒升麻湯

升麻

犀角 鈔

射干

黃芩

人參

甘草 各一錢



右細切作一服水一盞半煎至一盞食前溫服

辯瘡後餘毒二十

一毒氣流於太陰脾經則癱發四肢手腕併膝臍腫痛宜消毒飲重者十六味流氣飲加附子或酒浸大黃煎服及必勝膏蜆子水等敷之

消毒飲 方見前

十六味流氣飲

川芎 川歸 芍藥 防風 人參 木香 黃芪 桂心

桔梗 白芷 檳榔 厚朴 烏藥 甘草 紫蘇 枳殼 各四分

右細切作一服水一盞煎七分服氣血虛而自利者加熟附子大便實加大黃

必勝膏

馬齒莧 并汁 猪膏脂 石蜜 右以三味共熬為膏塗腫處

蜆子水

蜆子 不拘多少活者以水養五日旋取此水洗手而漸生肉無癩痕

一毒氣流於太陰肺經則臍內併手腕腫流為赤癰毒宜消毒飲如聖湯五福化毒丹

雄黃解毒丸利之氣血虛者十補湯加桔梗枳殼犀角煎服咽噤不利或腫痛宜薄荷



如聖湯

五福化毒丹 方見驚風門

每兩分作十二丸一歲兒一丸分作四服用薄荷水化下瘡餘毒上攻口齒涎血臭氣以生地黃自然汁化一丸用翎刷入口內

如聖湯 方見前

雄黃解毒丸

鬱金

雄黃 研飛各一錢半

巴豆 去皮膜油四十粒

右為細末醋煮麪糊為丸如菜豆大每服二三丸熟茶清下量兒大小與之

一毒氣流入大腸則便膿血或下腸垢或大便秘結宜犀角地黃湯身煩熱渴宜黃連解毒湯熱勢盛者小承氣湯下利者黃連解毒湯黃連阿膠丸駐車丸

黃連阿膠丸

黃連 三兩

阿膠 炒成珠子一兩

茯苓 去皮二兩

右以黃連茯苓同為細末水調阿膠末搜和為丸如梧桐子大每服二十九溫米飲送下

駐車丸

阿膠 炒成珠子醋煮膏

當歸 去蘆各十五兩

黃連 三十兩

乾薑 炮十兩



右為末以阿膠膏和成餅丸如梧桐子大每服二十九食前清米飲下日三服小兒丸如麻子大量兒大小加減

一痘瘡入眼宜決明散密蒙花散撥雲散蛤粉散

決明散

草決明

赤芍藥

天花粉

甘草

右各等分為細末每服半錢匕食後茶清調下

密蒙花散

密蒙花

青箱子

決明子

車前子

右各等分為細末用羊肝一片破而為三摻藥入肝內令均卻仍搗合併為一以酒水溼紙七重包裹於煆灰中煨熟勿令焦焙乾研末入麝香少許每服二錢重食後米飲調下

撥雲散

羌活

防風

甘草

柴胡

各等分

右為細末每服二錢水一盞煎七分食後臨臥服薄荷汁茶清或菊花苗煎湯調皆  
可忌藏鹽鮓醬溼麪炙煆吹氣及一切發風動火之物



蛤粉散

穀精草

海蛤粉 各等分

右為細末每服二錢七用獺猪肝二兩許以竹刀批開摻藥在內捲了外以青箭箬包裏麻線扎縛定用水一碗煮令熟入小口瓶內薰眼候溫取食之日一服不過十服遂退

一熱毒流於三陽之後經則腮項結核腫痛宜荆防敗毒散十補湯減桂服消毒飲倍加忍冬藤煎服

荆防敗毒散

十補托裏散

即十奇散也

消毒飲

方並見前

祖傳經驗效方凡痘後不問癰毒發於何經初起紅腫時卻用黑棗赤三豆以酸醋浸研漿時時以鵝翎刷之隨手退去其効如神

一小兒痘後二十日不大便其糞燥作痛垂死曾用大黃芒硝枳殼巴豆等藥及用蜜導法又服香油一碗許俱不通愚令一婢以真麻油含口內用小竹筒一箇納穀道中吹油入腸內須臾即通真良方也

古人拯治痘瘡要法 二十一

王氏指迷云痘瘡亦時氣之一端一人受症傳染其餘又云瘡疹有熱則易出一出遍



及於肌膚

張氏煥曰痘子氣均則出快蓋血隨氣行氣逆則血滯 王氏曰疹者脾所生脾虛肝旺乘之未能勝土熱動心神而生驚 錢氏曰肝風心火二臟交爭而致搐又曰痘症未形而先搐大忌涼心蓋瘡屬心心主血心寒則血不能行痘欲出而不可得也切須慎之大抵治驚惟平肝利小便均氣最妙仁齋楊氏曰大熱當利小便宜五苓散導赤散小熱當解毒宜消毒飲四聖散

陷伏倒靨黑陷

一証變壞歸腎黑陷宜錢氏百祥丸宣風散

一証外感風寒所致冬時宜五積散減麻黃加桂心紫草春時不換金正氣散加川芎白芷防風或風邪所襲宜消風散加紫草兼服

一証乳食所傷內氣壅遏宜楊氏調解散或四君子湯加縮砂木香川芎紫草大便自利宜附子理中湯

一証或因父母不謹犯房事月水及乳母腋氣穢濁諸忤所致宜阮氏辟穢丹焚而薰之仍以胡荽酒喫幃帳及懸胡荽於床帳中甚者以胡荽湯化下蘇合香丸兼塗薰亦妙聖制再甦散神効



一証毒氣入裏黑陷宜猪尾膏神驗

不換金正氣散

厚朴 薑制

藿香 去梗

甘草 炙

半夏 湯泡七次  
去皮臍

蒼朮 米泔浸

陳皮 各五分

右細切作一服加生薑三片棗二枚水一盞煎七分服

辟穢丹

蒼朮

北細辛

甘松

川芎

乳香 另研

降真香 各等分

右為細末烈火焚之

今世俗例以黃茶燒烟薰之最好

再甦散治痘瘡觸犯毒氣入內

明白礬

地龍 去土炒各一兩

右為末每服半錢用猪尾血一椀斗許用新汲水少許調下不拘時

猪尾膏即前龍腦膏錢氏用小猪猪尾取血研用之

凡痘瘡膿汁不乾蓋瘡出太盛表虛難靨以致膿水粘衣着席溼痛不能轉側宜白龍

散敗草散等敷之

白龍散

黃牛糞日乾火煨成灰取心中白者為末帛裹撲之



敗草散

用蓋屋及牆背上遠年腐草洗淨焙乾為細末帛裹撲之及鋪床蓆上佳

馮氏天花散治痘後失音

天花粉

桔梗

白茯苓去皮

訶子肉

石菖蒲

甘草各等分

右為末用水調半匙在碗內外以小竹七莖黃荆七條縛作一束點火在碗內煎臨

臥服

凡孕婦身發痘瘡宜馮氏軍胎散若胎動不安宜獨聖散安胎飲身熱甚宜木香參蘇飲或瘡稠密宜十奇散倍芍藥當歸減桂加香附烏藥如胎已五月則半夏桂心之

屬俱不必禁

軍胎散

赤茯苓

白朮

川歸

白芍藥

赤芍藥

北柴胡

乾葛

人參

桔梗

條苓

防風

陳皮

荆芥

枳殼

紫草

阿膠

糯米

白芷

甘草

川芎

縮砂

大熱加鬱金各三分

右細切作一服水一盞半煎至一盞乾柿蒂七箇野苧根七寸甜瓜蒂一箇用銀器

煎以荷葉蓋定熬至八分去粗仍用荷葉蓋覆空心溫服



獨聖散用連殼縮砂慢火炒去殼為末每服半匙熱酒調下胎動則服服後覺胎熱則安

矣

安胎散

大腹皮

酒洗極淨焙乾再用烏荳汁洗

人參

陳皮

白朮

白芍藥

川歸

川芎

香附米

童子尿浸

砂仁

紫蘇

茯苓

甘草

各半錢

右細切作一服水一盞半燈草七莖糯米一搗煎一盞食前溫服

滄洲翁先生跋云凡乳嬰之與童非當歧為兩途以治之乳嬰當兼治乳母俾其氣血清和飲食有節投以調氣通榮之劑以釀其乳使兒飲之則其瘡心肥滿光澤無陷伏之憂童非之子必當備切其脉審其表裏虛實以汗下之苟不實不虛則但保其冲和使脾氣流暢則肺金藉母之助易於灌膿速於成痂無倒塌之患或至壯盛而膚腠厚密尤須預為汗解或大便結與澁澁者尤宜下之利之庶無患也餘證則當於藥內倍其分兩百無一失學者宜致思焉



醫學正傳卷之八終



醫學正傳後再叙


天有六氣曰陰曰陽曰風曰雨曰晦曰明淫則為菑有寒疾熱疾末疾腹疾惑疾心疾而人之氣血流注有循有經有至有抵有會有過有行有達而又有所謂三百六十有五之絲絡六百四十有七之隧穴醫非淺於其學者之所能盡其秘也今天下之言醫者衆矣安得有如至靈默契陰陽之大小明決六脉二經之周流變化者而與之論素問諸經方藥之宜攻補之功虛實之變鍼灸之法耶蓋嘗思其人不可作矣以醫名多以名醫名少也醫學正傳侍御東崖虞公叔祖恒德老人所著也觀其書可以知其人矣東崖即其書校之侍御枳田蔣公序之予喜其書而閱之以為得其人矣閱之且久以為非恒德老人所著也老人之志欲自附於名家之後故其書集諸家之成而會之一者也夫天下之事皆可以試其能而醫則有不可以自用其明者自羲農至今不知歷幾千百代及幾人之手而其書始大行皆相祖述傳習增減異同始未有自售其能者故曰醫不三世不服其藥是書也使其盡出於恒德老人之手則發揮出於胸臆湯液持以己見予未敢以為盡然也惟其參之諸家之秘而斷之以聰明之真則所以握氣機佐陰陽疏脉絡者皆有所受而立言垂後可與諸經並傳無疑也醫學正傳予固喜其學之博而擇之精也學之博則有所據擇之精則有所見有所據則方藥必求其當有所見則攻療必速其功天下之



病率不能出其範圍之內而世之習其書傳其方者未有不收十全之功矣則是書可以傳矣東崖屬予言予為之書其槩以質於今之醫之名者明嘉靖辛卯仲春之吉莆田史梧識

醫學正傳者恒德老人承丹溪先生之遺流而述作之書也一谿翁信之貴之故予為門下生講讀之字畫謬誤檢諸書正之文簡漏脫鑑數部補之猶蓋多闕失後來好生之士改革之幸甚也日本慶長九年龍集甲辰秋九月望日延壽玄朔







1944  
1934  
v. 8